

四庫全書

史部

欽定四庫全書

唐大詔令集卷五十二

宋 宋敏求 編

大臣

宰相

判使 罷判

杜佑諸道鹽鐵使等制

皇甫鎛罷判度支制

王涯諸道權茶使制

蔣伸罷判戶部制

王鐸戶部制

蕭遘判度支制

蕭遘罷判度支制

孫渥判戶部制

孫渥判度支兼諸道鹽鐵使制

王搏諸道鹽鐵轉運等使制

領鎮

姚崇都檢校諸軍大使制

張說兼知朔方節度使制

李林甫兼河西節度使制

李林甫兼朔方節度使制

王縉侍郎中兼都統制

杜鴻漸東都留守制

王縉兼幽州節度使制

裴度門下侍郎彰義軍節度宣慰等使制

王鐸中書令諸道行營都統權知義成軍節

度使制

鄭畋門下侍郎平章事依前都統制

判使
罷判

杜佑諸道鹽鐵等使制

周制國用委于冢卿漢調軍食資於相府必由中以制
外則政一而事行所以阜安兆人平均九賦弼成富庶

之教馴致雍熙之化實仗元老佐予經邦銀青光祿大
夫檢校司空同中書門下侍郎平章事充太清宮使上
柱國扶風郡開國公食邑三千戶杜佑體資易直德合
弘大事君以道修己以誠寅亮先朝毗贊盛業秉忠直
之大節備文武之全才保乂朕躬載申啓沃發揮政本
開道化源謨明緝熙三事允理必能綜領經制變而通
之權貨幣之宜成軍國之務外均庶土內贍中邦俾予
一人恭已而理弘敷五典式協于中可檢校司徒充度

支及諸道鹽鐵轉運等使依前同中書門下平章事太
清宮使散官如故

皇甫鏐罷判度支制

門下古者丞相府不按吏蓋以任重體大地親禮崇非
征討之時豈仗貨財之事爰俾出納歸諸有司用嚴台
庭以輔吾道中大夫守門下侍郎同中書門下平章事
判度支皇甫鏐精明絕倫乾健不息蘊是器業發為英
華頃以守位聚人必資大計因其能事委以重權運用

之機所以經天下之務重輕之法所以筦天下之財自
淮右不虔東平犯順兵車在野饋食連年而乃庖無折
刃御有濡轡既授明命升之股肱軒裳所瞻崖岸益峻
請謁自絕其風凜然况贍給之餘謀慮畢至平二方之
險阻息再戰之干戈庸非坐籌佐朕而致今則百揆攸
敘萬邦保和宜全相府之重勿領諸司之劇撫夷夏調
陰陽用安元元時乃之職可守門下侍郎依前同中書
門下平章事

王涯諸道權茶使制

門下王者峻其禮秩所以報殊庸崇其職業所以歸碩望其竭股肱以宣力抱誠明而戴君調四氣以統和天人貞百度以鎮安夷夏勤彰於山澤德冠於巖廊不舉寵章曷示褒勸金紫光祿大夫守司空兼門下侍郎同中書門下平章事充弘文館大學士太清宮使及諸道鹽鐵轉運等使上柱國代郡開國公食邑二千戶王涯誠貫金石行通神明氣含元精識洞著蔡窮聖賢旨與

之學擅邦國經緯之文為時而生作予良弼長才推於
精敏雅量得其寬和乃者重升師壇所至必理載踐台
席林昭休勲當險夷之途貞白無染在風雨之晦操尚
不衰蒞事秉明哲之心臨難有大臣之節執萬機之政
柄統四海之利權處劇而神慮益閑在貴而家法愈儉
憂國盡瘁罄其訐謨爰自累年江淮水旱煮海之利日
用而不虧佐賦之功歲抄而後顯均輸之利相繼牢籠
之資無遺經費有餘時乃之力況邦計之務摠領尤難

付之均節克有饒羨朕今以茶法稍弊理須變更凡斯
重難悉以資委禮當優異式表至公俾進給於三司仍
策勲於八命予皆仰成汝其欽哉往踐厥位可開府儀
同三司充諸道鹽鐵轉運權茶等使餘並如故

太和九年十月

三日

蔣伸罷判戶部制

門下輔弼之任陶鈞為重所以道陰陽而施化相天地
以成功寅亮皇猷藻飾王度苟或嬰以他務兼拘利權

則異乎代天佐理之道矣通議大夫尚書兵部侍郎同
中書門下平章事判戶部事護軍賜紫金魚袋蔣伸紫
微上才清廟雅器潔如寒玉峻若孤峯既高絕俗之姿
能履中和之道秉吉士之操時然後言學君子之儒仁
而且勇洎寵承內旨擢處禁垣嘉言屢沃於朕心密贊
深知其忠懇委版籍益彰器能進台階頗洽公望澄源
以正本循名而責實豈以司存尚煩丞相爰去劇務俾
專緝熙所宜竭爾一心開予四目惟至公而平庶政也

依前兵部侍郎同中書門下平章事散官勲如故

大中十二年

月三

王鐸判戶部制

勅夫足食足兵古之善政也故趙充國以屯田為上策
諸葛亮用和連作奇謀皆前代伐叛之良規兵家聚眾
之急務也況乎命我元老平彼羣兇必無財賦之司方
濟軍師之用重茲一舉以保萬全諸道行營都統指揮
收復京城兼祖庸等使權知義成軍節度使鄭滑等州

管內觀察等使開府儀同三司守司徒兼中書令判延
資庫使上柱國晉國公食邑三千戶王鐸偉望宏材弘
襟遠慮三登台輔久領樞機蔚為社稷之臣實重巖廊
之器近以京都未克寇孽尚存妙算屢陳忠誠奮發思
登壇以糾合誓建節以掃除朕由是暫輟陶鎔俾專
統制五侯九伯盡列戎行猛將謀臣皆瞻馬首得不分
其國計委以地征收租賦於四方從便宜於萬里軍須
無闕天討必行副予倚注之懷全仗廊廟之力敬承休

命佇策大勲可兼判戶部事餘如故

蕭邁判度支制

樂朋龜

門下經費之權雖繫乎理本變調之任尤重於國鈞誠不欲參而委之蓋所以仗其能者吾之注意用表推恩况方軫陷危尚屯兵甲託邦籍於魏相佇竭宏規付軍食於鄼侯必施良術爰從成命俾洽輿詞特進行中書侍郎兼戶部尚書同中書門下平章事監修國史上柱國蕭邁業司代天材承構厦懿績繼傳於王府嘉猷允

紹於廟堂衆謂國華雅得韋平之稱時推人瑞諒齊管
樂之名洎辭中殊科辟隨重地班行履歷刀尺精莖右
史以踐南宮自中戎而昇內直久傳密命榮組繡於筆
端旋摠憲司定準繩於朝右爾後方調國賦俄屬時難
盡心於造次之時首奔行在秉節於蒼黃之際足驗歲
寒潔身之道既彰許國之誠可監俾其援力乃爾疇庸
遂契風雲尋當鼎鉉可謂佐時之道知無不為奉上之
功久而彌著於今者將平逆寇須卹王師方懸飛輓之

勞日俟誅夷之計非爾洞達不足以絕奸欺非爾精明
不足以希饒羨所宜究其利病計彼盈虛使兵實賦均
家給人足自然凋傷漸復饋餉不虧既無艱食之虞並
表和羹之用惟期竭力佇見沃心勉副具瞻式彰殊渥
可兼判度支餘並如故

蕭遘罷判度支制

門下夫宰相之任本於佐理陰陽節宣風雨允釐百工
康濟萬邦豈可以經費之煩勞弼諧之重比以戎車方

駕國用未充將欲定其準繩遂兼委於衡軸今則立事
有制成規可遵既陳堅確之誠益尚執持之節宜加懋
寵用爾渥恩特進行中書侍郎兼戶部尚書同中書門
下平章事監修國史上柱國蕭邁功高作礪業茂秉鈞
韻同夏玉之清應作洪鐘之響九流百氏供筆下之波
瀾五色六彰集人間之光彩真為王佐衆號國楨射策
詞高曳裾望重優游華貫黼黻明庭和符律呂之音造
合鸞皇之影響洽多士聲振天朝負嚴樂之才華既司

天語將徐庾之事業尤潤帝謨爰執憲綱縉紳自肅及
專邦計饋餉無虧倚注之期朝昏是屬旋以塵侵羽衛
寇犯郊畿保於患難之中不改始終之節首奔行在備
竭忠謀明知管葛之才足副臯夔之選朕念茲士庶深
軫傷瘼授以鹽梅拯其塗炭及摠機務大庇生靈薦賢
之道益光奉上之心尤著籍其繁重稱職綦難果其能
窮利病之源去奸欺之弊事皆條貫法以彰明特進退
讓之誠益重熒調之任爾宜潛施秘畧益進昌言激猛

將以弭羣凶布和風而銷戾氣焚巢盪穴促其獻捷之
音定賞策勲乃是銘鐘之日則更加峻秩別示寵章宜
升黃閣之尊式表納言之貴可門下侍郎兼吏部尚書
同中書門下平章事監修國史散官勲如故仍落判度
支

孫偓判戶部制

裴庭裕

門下在天成象拱帝座者三台在地稱崇鎮方輿者五
岳我有賢輔立乎大朝叶三台照耀之功契五岳匡扶

之力既凝庶績宜峻徽章正議大夫守中書侍郎同中書門下平章事上柱國賜金紫魚袋孫偓壁立孤峯渭清一派早以閨門之行聞於鄉里之間張融高文聚為玉海孫綽麗賦擲作金聲頗喧驚座之詞華遂整冲天之羽翰羅張上國顏淵首冠于諸科弓招小山穆生道優於置醴厥後簪御史筆講博士書從容累踐於南宮諫諍俄升於左闥蘭香見忌王冷多猜比騷人湘浦之行繼賈誼長沙之役朕自知直道台歸掖垣每于敷陳

必盡肺腑因朱雲折檻之對識張華王佐之才暫震爰
作相彌縫不倦匡益居先操心願草於澆浮進善必先
於行賞搜決沉滯拔用隱淪致我時風自爾而厚張說
當玄宗之初啟集賢竇參居德宗之朝別分戶部一
則寵九流之墳籍一則萃四海之賦興式仗英規遂兼
茲領高見楚子之爵貴升鄭衆之階勉殄寇讎以復廟
社可銀青光祿大夫依前中書侍郎同中書門下平章
事充集賢殿大學士兼判戶部事仍封安樂縣開國子

食邑五百戶

孫偓判度支兼諸道鹽鐵使制

門下朕聞天所以運行不息維之者星辰地所以厚載
無疆紀之者海岳故尹說相殷而帝道盛旦奭佐周而
王業昌時之替興良由弼輔朕勵精理道夢卜披賢繼
叶旁求並膺爰立皆號人傑實為國華銀青光祿大夫
守中書侍郎同中書門下平章事充集賢殿大學士判
戶部事上柱國安樂縣開國子食邑五百戶孫偓大昂

分輝維嵩孕秀直如金矢潔若冰壺處諫諍之司言無
畏忌守馭正之任道不依違當官而行遇事必立自擢
居台席兼領地征蘊持危扶傾之心負憂國忘家之志
卓爾孤邁超然不羣稽於衆多僉曰名相銀青光祿大
夫行尚書戶部侍郎同中書門下平章事上柱國嘉興
縣開國男食邑三百戶陸扈清廟升歌朱干象舞內健
外順動直靜專早踐清華旁流休問既登禁密潤暢皇
猷言有準繩心無吝悔爰從近侍委以化鈞目無全牛

刃有餘地不斯須而離道不造次以違仁考於羣詞咸
稱良輔而皆道符夔益業冠蕭曹楷式一時儀刑四海
和松磊落允為大廈之材賜璉晶瑩宛是接神之器今
朕以運丁難否時未洽平賊臣尚恐其跳梁國計靡臻
於豐羨煮海之利多失於舊規量地之征未登於貢式
須分重務屬我名臣冀大振於頽綱俾漸昌於衰歷是
用遷皇極紫微之位總簡書刊集之司兼以利權盡付
全德爾宜振提百度蕩定九圍勉服寵光以綏夷夏俾

可門下侍郎同中書門下平章事監修國史判度支兼
諸道鹽鐵轉運使扈可中書門下平章事中書侍郎充
集賢殿大學士判戶部事散官勲封如故

王搏諸道鹽鐵轉運等使制

鄭璘

門下天之四序運造化以成功王者萬幾仗輔弼而興
理豈獨安危斯在實以職任是資所以發于三光凝其
庶績則可以迭升崇秩兼陟總臨況夫國用殷繁財力
未贍允佇開張之術盡繫通變之方屬我名臣遂行寵

渥扶危濟國致理功臣光祿大夫守吏部尚書同中書
門下平章事上柱國瑯琊開國公食邑二千戶王搏地
華簪紱榮盛台階分秀氣於嵩高襲殊祥於淮水秉四
科之全德抱百行之貞規夷玉在懸能發希聲之妙良
金若礪自標大用之能夙振嘉名具揚清貫右掖演如
綸之職左戶貳版籍之司望實旣光夢卜斯得見陳平
之知任堪調鼎識元禮之範稱委持衡朕以運屬多難羣經
欲舉便殿每名前席與言山甫之秉小心見稱風雅陽

山之有大體雅重絲綸謫吉上才冠彼前古今以將圖
興復克集事功宜付繁難以表優異是用踐黃樞之峻
級總青簡之刊修特以貨泉資其良畫於戲蕭何掌輓
運之柄在漢為功臣夷吾通輕重之權致齊垂霸業緊
展匡時之道佇成富國之謀勉膺寵靈服我不訓可門
下侍郎依前兼吏部尚書同中書門下平章事監修國
史充諸道鹽鐵轉運等使功勲如故

領鎮

姚崇都檢校諸軍大使制

蘇頲

黃門廟堂之儀不可去兵帷幄之謀在於料敵自非行
有餘力坐而決勝則何以威百蠻而破萬里者也兵部
尚書兼紫微令監修國史上柱國梁國公姚崇朝廷宿
望軍國大才蘊平仲之一心舉夷吾於六翮惟此人傑
是稱天賚銀青光祿大夫行黃門侍郎昭文館學士上
柱國中山郡開國公李乂甫用窮精微體自公直貞規
踰于鐵石詞律比于笙簧左曹之美中朝所詠咸能上

答寵眷備陳策畧閱武觀兵暗合孫吳頃雖衆和以德
軍全非戰或徵其侍子允詣闕廷或勞我偏裨尚留關
塞行役之苦寢興弗忘師臧謂何豫備斯在佇恢遙護
之畧更屬遠安之筭崇可檢校諸軍大使又甫為副主
者施行

開元二年正月二十四日

張說兼知朔方軍節度使制

朔方之地雍州之城密邇關輔是稱河塞頃者邊塞為
寇擾其居人王師有征戎事斯大戍役之弊邊氓既勤

雖妖醜既清而政理未洽不有經制曷云昭蘇且和衆
為武者所以詰奸慝摠軍命將者所以訓甲兵匪夫大
賢孰允斯任兵部尚書同中書門下平章事三品燕國
公張說天與明秀自然才傑光備九德弘宣七政爰掌
邦理實為國禎謀而必臧言則無隱寅亮之美用熙帝
載談笑之餘更陳戎畧所謂善行樽俎事立封疆宜以
上台之尊遙統中軍之任可持節兼知朔方軍節度大
使餘如故

李林甫兼河西節度使制

孫逖

門下天討有罪未可以去兵帝贊良弼是資於決勝金紫
光祿大夫兵部尚書兼中書令持節經畧支度營田大
使知節度事集賢院學士修國史上柱國晉國公李林
甫高操命代特秀生人公忠為百度之貞文武成萬邦
之憲自登上相兼委中權克致時和且聞戎捷踰隴之
外已恢帷幄之謀涉河而西更是輔車之勢欲懲猾夏必在夾
攻宜以三事之謨遙制兩軍之律可兼充河西節度經

畧支度營田長行轉運九姓等使節度事赤水軍仍判

涼州事餘並如故

開元二十六年五月

李林甫兼朔方節度使制

經邦道國允屬於才賢保大定功聿求於長策不有兼
領孰彰寵賢開府儀同三司行尚書左僕射右相崇玄
館大學士集賢院學士太清太微宮使修國史上柱國
晉國公李林甫器惟國楨材乃人範文標楷式學究精
微啓沃之誠罄嘉猷於造膝清貞之節盡公心於匪躬

自澄於三事式是百辟具瞻惟允茂績居多任總廟堂
既贊雍熙之化智高帷幄更資決勝之謀宜因公輔之
重兼受元戎之寄可兼安北副大都護持節朔方節度
關內支度營田鹽池押諸蕃部落副大使知節度事六
城水運節度管內軍郡採訪處置等使並如故

開元二十
四年

十一月

王綰侍中兼都統制

門下天地之德資陰陽以成功帝王之道任將相而興

化聿求左輔命掌元戎必資文武之才用經軍國之務
金紫光祿大夫行黃門侍郎同中書門下平章事兼弘
文館大學士知館事仍充太微太清宮使太原縣開國
伯王縉有高妙之行有弘通之識學該古訓文成國風
夢帝賚予濟川用汝百揆時叙四維克張累陳造膝之言
彌著沃心之道濱海之右自河而南王旅攸同戎車殷
會監于方伯之制利用建侯之師天將息人予有禦侮
鎮漢沔淮肥之地統齊梁魯鄭之軍總制高牙綱紀羣

力弘七伐四征之策成一匡九合之勲武過外虞底綏
多難將授銅符之律爰咨璵璣之謀往哉汝諧無替朕
命可侍中持節都統河南淮西山南道諸軍節度行營
事仍特進封郡公食邑二千戶餘並如故主者施行

廣德

二年
八月

杜鴻漸兼東都留守制

楊炎

門下東周以召公相宅西漢以蕭何居守則保釐之寄
多屬輔臣今以廟堂碩老坐而數政和恒居師用又厥

服特進行門下侍郎同中書門下平章事山劍副元帥
太清宮使崇玄館大學士上柱國衛國公杜鴻漸誕受
天和陶合一氣德言敬直動於神明定義中興光贊大
業陳三代之禮樂成一朝之制度雄詞奧學洞究天人
以道弼予于茲五載每有大事乃心忠勤至於危難尤
思赴蹈叶和堂上之謦匡濟天下之務出鎮梁益西南
晏然人之具瞻朕所毗倚實仗弘化兼撫東郊宜以二
南之風用增九鼎之重可兼東都留守餘如故主者施

行

王縉兼幽州節度使制

楊炎

門下王制以二老分理諸侯則周召之任及乎漢魏以
還多亦軍國兼總絳侯所以參掌武事安石所以外綏
戎政况華夷甫寧金革方偃實在於文武戮力上下同
心則輔弼之臣豈憚勞也金紫光祿大夫門下侍郎同
中書門下平章事持節河南副元帥都統河南淮西山
南東道諸節度行營使兼東都留守王縉體合元和器

蘊金璞以才茂邦傑以識通時化叶我期運任當衡石
竭股肱之力開耳目之明陟于艱難致君以道統是經
術麗茲人羣屬江淮海岱之虞總節鉞旌旄之寄鎮禦
方夏撫寧師人含保太和摠宣庶績忠而佐命功比安
劉勤以施下惠同思杜叶藩雄之志建竹帛之勲朝譽
載申啓沃並切二三髦碩同力叶誠俾予端拱以弘至道
乃眷北土古之幽都限夷既雄負海稱固思致于理言
恤其人爰藉台臣弘敷廟算持薊門之麾旆兼遼陽之

鉦鼓俾膺戎重式允時望可兼幽州長史持節充幽州節度副大使知節度事餘並如故

裴度門下侍郎彰義軍節度宣慰等使制

輔弼之臣軍國是賴興化致治則秉鈞以居取威定功則專閫而出所以同君臣之體一中外之任焉屬者問罪汝南致誅淮右蓋欲刷其汚俗弔彼頑人雖挈地求生者實繁有徒而嬰城執迷者未剪其類何獸困而猶鬪豈鳥窮之無歸歟由是遙聽鼓鼙更張琴瑟煩我台

席重茲戎旃朝議大夫守中書侍郎同中書門下平章
事飛騎尉賜紫金魚袋裴度為時降生協朕夢卜精辨
宣力堅明納忠當軸而才謀老成運籌而智畧前定司
其樞務備知四方之事付以兵要必得萬人之心由是
禱于上玄揀此吉日帶丞相之印綬所以尊其名賜諸
侯之斧鉞所以重其命爾宣布清問恢壯猷感厲連營
蕩平多壘招懷孤疾撫育夷傷况淮西一軍素効忠節
過海赴難史冊書勲建中初攻破襄陽擒滅崇義比者曾

於凶逆歸命無由每念前勞常患安撫所以內輟佐輔
為之師帥實欲保全慰諭使各得其宜往欽哉無越我
丕訓可門下侍郎同中書門下平章事使持節蔡州諸
軍事蔡州刺史彰義軍節度管內度支營田申光蔡州
觀察處置使仍充淮西宣慰處置使散官勲賜如故

王鐸中書令諸道行營都統權知義成軍節度
使制

樂朋龜

門下廟堂之上教化之源康濟萬方彌綸百揆可謂朕

司時之著龜不宜斯須暫違顧盼其或屢陳章表備滙
精誠以大慙未平每痛心而疾首以中都未復嘗瀝膽
以披肝志在摠戎期於弭寇永言許國真是蓋臣遂命
更陟韓壇重辭恩眷統六師而雷動屯萬旅以風馳併
集寵命以堅茂績開府儀同三司守司徒兼太子太保
同中書門下平章事充太清宮使弘文館大學士兼延
資庫使上柱國晉國公食邑三千戶王鐸名高嵩華量
等滄溟情田同開心地無滯造次靡忘于忠孝幾微不

捨其規繩靜彼波瀾莫分喜愠洎乎昇甲乙綴鵷鸞履
歷清華從容道德盛推器業必為王佐之才盡伏機權
乃是公台之望爾來盤錯果副重難筮短龜長開物成
務同叔敖之為楚相比孔光之輔漢朝出於一時膺是
三命其為寵重曷無等倫朕克荷丕圖內慚涼德致其
郊廟陷於狼狽若墜清隍如懷水火未嘗一飯之飽一
夕之安宥過責躬臨深履薄遂致玄穹下鑒元老請行
面陳肺腸忠貫天地振朝廷之武力挫妖孽之殘寇惟

其疾風方知勁草況津臨白馬地壓洪河擁東夏之銳
師視中原之沴氣必期破竹自可覆巢昔元凱之著殊
勲謝安之膺上賞功銘鼎鼐指誓山河遐想芳塵必符
壯志爾宜奪其祖賦贍彼甲兵使退無玩寇之虞進有
老成之誠訓齊勇士尅彼都城屠梟獍之軀以為京觀
戮鯨鯢之首用獻宗祧嗚呼寰海流離生人塗炭眷言
繫賴實洞神明是用榮分和嶠之車光佩蕭何之印勉
思注意勿怠厥功可司徒兼中書令充諸道行營都統

兼指揮兵馬收復京城及祖庸等使判延資庫事權知
義成軍節度管内觀察處置等使餘如故仍令所司擇
日備禮冊命軍罷後却赴中書主者施行

中和二年正月

鄭畋門下侍郎平章事依前都統制

門下朕聞天下安注意於相天下危注意於將爾今應
吾內外之委任也朕以塵昏寓縣血染生靈乘輿播越於
道途巡幸奔馳於巴蜀夙夜思咎寢食不遑期早殄於
羣妖冀速清於國步今則重煩台德再秉鈞衡碧幢不

離於岐山黃閣暫移於隴邸安危倚望中外具瞻諸軍四面行營都統鳳翔隴等州節度觀察處置等使開府儀同三司檢校司空同中書門下平章事兼鳳翔尹上柱國滎陽郡開國侯食邑三千戶鄭畋岳瀆炳靈星辰煥發雅裁既揚於冰玉冲襟咸契于神明達古今理亂之源識文武經綸之道作時柱石為國棟梁洎周旋寵榮出入將相功業每留於史冊懿範允播於縉紳昨鎮于近藩者闕今雖狼心漸革蠆尾將收干戈尚遍于咸

秦蛇豕猶侵于宮闕運雖至此天實賚予況誓掃寇讐
志收社稷蘊沉幾而愈勁奮獨斷而不回激喻軍行董
率義旅行謁必中傳檄無凝指呼而方面悅隨慷慨而
懦夫請命風生獵武川湧熊羆期繫頸於逡巡佇春喉
於旦夕朕且念用兵汧隴駐驛坤維指揮而遠在一隅
請急而動聞踰月于以舉疇庸之典于以圖必勝之謀
在乎盛以軍戎任其陶鑄使統制並遵於麾下訏謨皆在
於彀中將候凱還佇其冊命於戲簪裾禮樂儼然丞相

之風旗幟鼓輦蔚爾將軍之貴裴度以出征淮蔡敏中以招討羗戎皆仗以節旄付之樞務期樹功業固不同年勉圖大勲同酌殊渥位正台階之重官崇水土之榮敬之哉無忝我重命可守司空兼門下侍郎同中書門下平章事依前充四面行營都統鳳翔隴等州節度觀察處置等使兼鳳翔尹散官勲賜如故仍令所司候收復京後備冊命主者施行

唐大詔令集卷五十二

欽定四庫全書

史部

唐大詔令集卷五十三至

詳校官編修臣范來宗

編修臣裴謙覆勘

總校官編修臣倉聖脉

校對官學正臣常循

膳錄監生臣甯汝櫺

欽定四庫全書

唐大詔令集卷五十三

宋 宋敏求 編

大臣

宰相

出鎮上

陸象先益州大都督府長史制

杜黃裳河中節度平章事制

武元衡西川節度平章事制

李夷簡淮南節度平章事制

裴度河東節度平章事制

韓弘河中節度兼中書令制

李逢吉東川節度使制

牛僧孺武昌節度平章事制

李石荆南節度平章事制

李德裕荆南節度平章事制

白敏中邠寧節度平章事制

崔鉉淮南節度平章事制

出鎮上

陸象先益州大都督府長史制

入而弼政雖佇忠賢出則分憂更資循理中書侍郎同
中書門下平章事三品充國公陸象先體含清雅識備
貞慤早修學行實允謦明三蜀稱殷一都之會邦寄為
重朝難其選朕光宅四海惠康兆人乃眷所先必自于

遠故端揆載舉蓋臣攸屬可益州大都督長史劍南按

察使

開元元年十月

杜黃裳河中節度同平章事制

昔周之周召出為二伯是以宗公而領方任也鄭之桓
武入作三事是以諸侯而宰邦政也然則荷中外之寵
享崇高之名不有盛德孰膺寵命金紫光祿大夫門下
侍郎中書門下平章事無弘文館大學士充太微宮使
上柱國南陽郡開國公杜黃裳道惟無方材則不器陋

齷齪之庶謹本誠敬而坦夷澄陂納寬瑞玉凝素夙簡
衆望處于達官論議必通於大經損益咸酌於中制代
所準的朝之羽儀爰授樞衡俾居左右所緝者隆典所
陳者格言色無面從志不摧撓弘茲冒遠之化展彼夷
凶之征將明則然忠利斯在惟股肱之郡有節制之師
兵威外振於太原地形內錯於左輔是用謀帥僉歸碩
人藉台庭之素風執戎鉞以蒞衆示以嚴重廣其封疆
罷平陽之十連復元侯之四履超列鼎足仍參廟謀增

二象之光輝霈一方之膏雨大邦雄屏群侯所瞻爾其
敬哉無替舊績可檢校司空依前同中書門下平章事
兼河中尹充河中晉絳慈隰等州節度支度營田觀察
處置等使散官勲封如故

元和二年正月

武元衡西川節度同平章事制

地有西蜀國之輿區百濮羣蠻外市於封域雙流重阻
內固於襟帶形勝所屬統綏惟艱近者剪其凶魁鎮以
勲力實有威惠至于和寧而匪遑寧居累布丹懇激戀

闕之深志將執圭而展儀誰其尸之允在能者乃聽僉
議輟茲台臣大中大夫守門下侍郎同中書門下平章
事弘文館大學士太微宮使兼戶部事上柱國蕭縣開
國伯賜紫金魚袋武元衡器惟弘深行必端敬珪玉不
琢雷風有威夙彰嘉聞亟歷清貫乃司邦憲有遂物之
誠乃踐地官有阜財之績益振公望克諧朕心擢于鼎
司授以大柄謀由外而不伐慎由衷而自彰展代工之
勤弘冒物之化以道則直以心則和丙吉雅通於國體

山甫誠補於衮職朝夕有恪毗予一人眷茲西南憂寄
方切非寬大無以蒞衆非慈惠無以厚生非誠信無以
撫蠻夷非忠賢無以殿邦國故我心膺膺茲重任外分
兵符以副於重往中佩相印不離於具瞻峻秩爰首於
六官崇階遽登於七命且示加等仍䟽大封勉承寵光
無替朕命可銀青光祿大夫檢校吏部尚書兼門下侍
郎同中書門下平章事成都尹充劍南西川節度使營
田觀察處置統近界諸蠻及西山八國雲南等使進封

臨淮郡開國公食邑二千戶

元和二年十月

李夷簡淮南節度同平章事制

柱石之臣台庭之老積碩望具瞻之德有弼諧寅亮之功授以土田流邦家之愷悌增其冕服表國器之形容此朕與將佐大僚示中外之一體也況兵戎重事東南實繁輟於廟堂以示其大正議大夫守門下侍郎同中書門下平章事上柱國成紀縣開國侯食邑一千戶賜紫金魚袋李夷簡出身蒞政薦志守道素風彰於操履

嚴氣峻於風雷自朕續承丕圖搜拔下位得文華於宗室升器幹於朝廷而所重者準繩所憂者財賦資侖儉以振起委強通而演成江漢之仁風載揚岷峨之美化斯盛既執大憲俄登台輔予一人凝是庶績忠謹有遭逢之勇奸邪無侵敗之機謂之股肱實無所忝言念淮海斯為興壞走商賈之化財引舟車之輜輶凡所經理事非一隅控制之難於今尤切是用錫命俾為藩宣式加師長之名不改平章之務萬邦表率丞相正之可

銀青光祿大夫檢校尚書右僕射同中書門下平章事
兼揚州大都督府長史充淮南節度副大使知節度使
事管内營田觀察處置押新羅渤海兩蕃等使
元和十二年七月
裴度河東節度同平章事制

忠利於國者效積而事彰器周於物者志遠而任重況
入調鼎萬出鎮藩垣荷中外之寵榮膺文武之重寄將
允僉望命茲輔臣金紫光祿大夫門下侍郎同中書門
下平章事兼弘文館大學士上柱國晉國公食邑三千

戶裴度量惟弘深道在匡濟大玉蘊連城之價長材負
搆厦之姿言必公忠義本正直薦居鈞軸叶贊機謀匪
躬以務其將明憂國不忘於造次當夷允淮蔡仗節於
師旅之間及殄寇青齊運籌於帷幄之內勤勞靡替弘
益居多績用是嘉撫冲愈懇東夏雄屏實惟晉陽控大
鹵之山川司北門之管籥橫制獯虜遠清疆陲是以輟
獻納於沃心撫方隅於注意倚屬攸切勲庸可宣舟楫
常賴其弼予鈇鉞載觀其蒞衆勵山甫之恪德成方叔

之壯猷式副具瞻勉揚休聞務既兼於左揆秩仍踐於中台爾其戒哉以服嘉命可檢校尚書左僕射兼門下侍郎同中書門下平章事太原尹北都留守充河東節度觀察處置等使

韓弘河中節度兼中書令制

門下王者統馭萬寓緝熙庶績必有文武全器柱石之臣出壯藩岳入和台鼎使其效彰中外聲播華夷所居而人心自寧所蒞而軍令自肅允是任者其惟奚公開府儀

同三司守司徒兼中書令上柱國許國公食邑三千戶
韓弘受天地凝粹之氣得山川崇深之靈厚其體而壯
其容靈其心而宏其量早洞戎韜之學允膺節制之權
隱然大梁克有成績及功宣盪寇志展匡王懇申戀闕
之誠竟遂來朝之禮位高百辟榮冠一時恩極而愈恭
名光而益勵朕方欲樹以垣翰仗予忠賢乃眷關河
之守實惟股肱之郡自昔重寄無非元勲是用命以上
公復茲雄鎮於戲頃居東夏父子偕分閭之榮今處近

郊伯仲並登壇之貴道苟積於忠實顧何愛於寵章往惟
欽哉副我明命可司徒兼中書令河中尹充河中晉絳
慈隰判節度觀察處置等使散官勲封如故主者施行

李逢吉東川節度使制

蜀門南次梁部東分地東江山境綿實濮非志懷端重
不可委以察廉非識度弘深不可畀以節制聿求公望
爰自輔臣朝議大夫守門下侍郎同中書門下平章事
輕車都尉賜紫金魚袋李逢吉文以發華行惟居厚忠

懇每形於造膝直方斯見於匪躬自處台席再移星炤
溫然德器休有素風觀其動本於仁足以敷王澤考其
守歸於正足以奉師貞乃眷梓潼茲惟興壤用去將相
之任俾專藩宣之功予欲頒政典於一隅故兼以夏卿
之位予欲布憲章於列郡故假以副使之權爾其節儉
以訓俗澄清以檢吏因土風之剛悍使勇且知方就物
產之殷充則既富而教苟能積實期有遐聞於戲朕與
大臣進退示全其恩禮爾之報國始終宜竭其肺肝身

雖遠于山川心豈忘于夙夜服茲休命汝往戒哉可檢
校兵部尚書使持節梓州諸軍事兼梓州刺史御史充
劍南東道節度副大使知節度事管内度支營田觀察
處置靜武軍等使散官勲如故

元和十二年九月

牛僧孺武昌軍節度同平章事制

門下朕恭承大統屬官平寧方委心輔臣殫齊法度垂
茂績於當代建休風於一時有深畏滿盈雅懷止足體
陰陽迭敘之旨全進退居正之心詞抗不回秉忠難奪

得不處之安郡益以榮名是用建新軍以統武昌佩相
印而專節鉞文武二柄付于全才金紫光祿大夫中
書舍人同中書門下平章事兼集賢殿大學士監修國
史牛僧孺貞方而和俗慎密而坦夷秀乎文華篤於行
實以直策悟憲宗以忠啟奉先朝積有信臣擢于廊廟
法無越制官無及私門無託賓道無偏倚逮茲旬歲亟
聞昌言朕常惕然虛已以聽既終園寢之重克修郊廟
之儀前志彌堅陳懇益固吾方涉學弘濟斯人耒耜戈

予仁壽鄙大簡予懷者非爾而誰是用輟中樞圖史之間開夏口油幢之府典型八座庶問七州往惟欽哉無替厥服可檢校禮部尚書同中書門下平章事鄂州刺

史武昌軍節度使

寶曆七年七月

李石荆南節度同平章事制

翼亮之臣寄畀攸重九功未敘則宜立於廟堂百度既貞則兼制於方岳中外祖送式寵賢才銀青光祿大夫守中書侍郎同中書門下平章事充集賢殿大學士上

柱國李石元精降祥河岳鍾秀文含大雅學茂全經瞻
智通理亂之源達識究古今之變望鬱人傑居為國楨
頃者嘉其多能俾調鼎實動必循道知無不為每竭慮
於謀猷思致予於堯舜嘗司轉漕仍摠征財盤錯之難
銑刃不滯增台耀之光彩揚鳳池之波瀾隆典咸修遠
方畢服夙夜匪懈光我知臣近者情在進賢願辭衮職
誠不易奪朕所難違乃眷荆門東南巨鎮江山重險舟
車要衝此罷節符是遵權便台臣往蒞宜復前規俾登

大將之壇仍持上相之印尹正望府庶規雄藩增榮峻
階無忝我命可金紫光祿大夫中書侍郎同中書門下
平章事兼江陵尹充荆南節度管內觀察處置等使勳
如故

開成三年正月

李德裕荆南節度平章事制

將相之任中外攸屬入則揚緝熙以正百度出則布威
令以靖一方良以才難委寄咸重爰設齊壇之禮仍合
台席之榮式示酬勞允諧僉望特進守太尉兼門下侍

郎同中書門下平章事充弘文館大學士太清宮使上
柱國衛國公食邑三百戶李德裕獄瀆間氣鐘磬正音
葆粹孕和本仁叶義道蘊賢人之業正謂王者之師詞
鋒莫當學海難測自入膺大社克構崇墉王猷國經契
合彝矩丙吉罄安邊之術戎寇彌夷張華興伐叛之謀
壺闥洞契克荷先朝之旨弼成耆定之功布在冊書輝
映前古而能處劇不懈久次彌勤朕以嗣位之初懋勤
在念宜先碩望以表優恩荆部雄藩地惟四楚揔五都

之要會包七澤之輿區兵賦殷煩居俗甚衆必藉舊德
作鎮尹臨載崇五教之名俾賦十連之貢勉弘化理以
續前勞可檢校司徒同中書門下平章事兼江陵尹充
荆南節度觀察處置等使

會昌六年四月

白敏中邠寧節度使平章事制

昔孫弘以儒學修身寵兼裂土鄧禹以勲庸著効儀比三
司是內外共規古今所重再揚新命允屬元臣特進守
司徒兼門下侍郎同中書門下平章事充招討山南平夏

黨項兵馬都統制置使并南北兩路供軍使兼邠寧節度使白敏中才智足以贊玄功誠明可以匡大務事君惟恐不盡守道惟恐不孤而能以無心為待物之心以無用為當官之用朕君臨之歲首付台衡六更星霜勁節如一自羗戎犯塞師旅屯邊招懷莫來征伐無狀爰用命爾往其鎮之果能潛移梟獍之心坐絡豺狼之首始自夏半及于秦正大建功勞克寧烽駟終此誠意非卿而誰今封部既清是用休爾之討伐馬牛皆散是用罷爾

之統臨不移論道之榮更怙持衡之貴纂乃舊事對予
勤懷可守司空同中書門下平章事邠寧等州節度觀

察使

大中五年十月

崔鉉淮南節度平章事制

周用周召為楨幹之臣以正天下故入調鼎萬則弼亮
之道尊出撫方國則蕃宣之功著我有上相天實間生
文武之用高並於昔賢中外之寄允資於碩德爰舉旌
鉞仗于股肱光祿大夫守尚書左僕射兼門下侍郎同

中書門下平章事兼弘文館大學士充太清宮使上柱
國魏郡開國公食邑二千戶崔鉉瑞玉凝姿春林發秀
貞諒植德謙虛葆光冲用既臻于化源達實每弘於理
本擅松柏後凋之色勁節自高含金石希代之音正聲
特異洎發揚令聞輝霽公朝道無緇磷言符體要繼相
如之麗藻夙侍禁林嗣傳說之旁求早膺台席日者歷
居庶鎮常總朝綱令肅方隅風行憲署及膺我寵擢復
司化權每正惟公持平不撓暢緝熙之茂典弘經濟之

明謀功勒旂常道光夷貉勵山甫匡周之操竭子房佐
漢之忠終始一心周旋七年富人斯久偉績彌勤是宜
載圖爾庸優爾恩寵乃睠淮海號為通都控扼實據其
咽喉封部適罹其災患予所注意爾其往哉於戲居則
秉鴻鈞紹阿衡之業動則駕長轂圖方叔之勲苟非全
才孰付重任若撫封之長術阜俗之嘉謀一部之慘舒
三軍之政令我屬良弼則又何規勉登將壇敬佩相印
副是寵寄其惟戒哉可檢校尚書左僕射同中書門下

平章事兼揚州刺史大都督長史充淮南節度副大使
知節度事管内營田觀察處置等使

大中九年八月

唐大詔令集卷五十三

欽定四庫全書

唐大詔令集卷五十四

宋 宋敏求 編

大臣

宰相

出鎮下

裴休宣武軍節度平章事制

魏謩西川節度平章事制

崔慎由東川節度制

蕭鄴荆南節度平章事制

杜審權鎮海軍節度平章事制

劉瞻荆南節度平章事制

鄭從謹河南節度平章事制

王鐸義成軍節度兼中書令制

崔胤武安軍節度平章事制

王搏威勝軍節度平章事制

獨孤損靜海軍節度平章事制

出鎮下

裴休宣武軍節度平章事制

將相大臣中外迭任入奉股肱之寄出為藩翰之雄無
爽具瞻式章注意金紫光祿大夫中書侍郎兼戶部尚
書同中書門下平章事集賢殿大學士上柱國河東縣
開國子食邑五百戶裴休氣稟岳靈夢叶巖瑞威鳳孤
翔於玉圃仙鶴獨步於芝田學精典墳文緯邦國自彤

庭發策鵷列升班粉署擅貳卿之榮綸扉闡五字之妙
迨司饋運整葺牢籠策畫每得於親聞功庸必見其顯
効章程軌物歷試無差是用付以權衡宜承任委咨之
遠略炳然大猷四后協心萬邦繫爾今百度有截庶績其
凝前時屢以疾辭猶煩卧理豈無優賢之道因遂由衷
之意乃眷梁苑實為重藩荒大東於周疆接小沛於貢
壤富庶將及悍勇無譁仁化已洽於一方清風漸扇於
全境開闢自固懸蔽不鳴可仗台臣寘之靜理爾其踐

厥位暢厥庸侯服既增相印不解輔弼莫繫於遠通
聲容暫聞於朝昏敬哉戒哉毋替重命可檢校戶部尚
書同中書門下平章事使持節汴州諸軍事充汴州刺
史充宣武軍節度使知節度事汴宋亳等州觀察處置
兼亳州太清宮使

大中十
年六月

魏謩西川節度平章事制

股肱之臣與君上而合體心腹之寄雖中外而同途入
則付之鈞衡出則委其藩翰苟非望隆碩德道備全才

則何以克副具瞻久膺重寄銀青光祿大夫門下侍郎
兼戶部尚書同中書門下平章事監修國史上柱國魏
謩天生賢傑岳降英靈深沉莫究其澄陂和裕可羣於
愛景自踐揚華貫備著徽猷故事播於三臺謹論留於
兩掖而式資重用任以地征簡於朕心爰立作相惟爾
列祖佐佑太宗輔弼之光號為人鏡代濟其美厥生令
孫蘊致君匡國之謨見奉上竭忠之志勤勞匪懈夙夜
在公動關典彝言成啓沃闡化由其赤誠星霜七年風

雨一貫朕以九折巨屏山川奧區控臨百城統馭羣虜
眷茲慎擇不其才難爾宜往踐將壇仍持相印舉武侯
之籌策底定遠戎繼叔度之謳歌載康遐俗勉服休命
恭惟有初可檢校戶部尚書同中書門下平章事兼成
都尹充劍南西川節度副大使知節度事管内觀察處
置統押近界諸蠻及西山八國雲南安撫等使

大中十一年二月

崔慎由東川節度制

夫尊任輔相之道也入則秉鈞衡以臨羣辟出則賜弓

矢以長諸侯寵光不渝寄屬咸重將求良輔乃命台臣
大中大夫守中書侍郎兼禮部尚書同中書門下平章
事監修國史上柱國賜紫金魚袋崔慎由繼美德門承
家貴位縉紳偉望禮樂上流挺松筠之貞姿服蘭蓀之
懿行自居名器累歷清華禁林才擅於多能綸閣詞推
於巨麗物情愈茂廷譽甚高再列二卿之崇亟聞六條
之化爰加獎任益付重難屢啟嘉謨俄叅大柄而周涉寒暑
備見器能道已著于始終恩豈殊于中外眷茲東蜀實曰興

區俾授旌旄以彰優重昔叔子望高於峴首次公聲振於潁
川孰有後先率是為理勉弘風教期懋厥庸可檢校禮部尚
書使持節梓州諸軍事兼梓州刺史御史大夫充劍南東川
節度副大使知節度事管内觀察處置等使

大中十二年二月

蕭鄴荆南節度平章事制

入調鼎禹作我股肱出鎮藩垣為予心膂分命雖殊于
中外倚才皆屬於安危將相迭居文武兼用允茲遇者
厥維艱哉況地控南荆土連全蜀振五嶺之通道當七

澤之要津統馭所難撫理為重顧茲渥命爰輟重臣銀
青光祿大夫守門下侍郎兼工部尚書同中書門下平
章事監修國史上柱國彭城縣開國男食邑三百戶蕭
鄴昂宿垂芒山庭表異膺誕明德佐理生賢開濟洞達
其泉源進退率由於律度端亮秉志寬和待人而累踐
華資克流芳問儼卿雲之詞藻煥發皇猷邁管樂之智
謀掌司邦賦臺閣備詳其政事朝野咸推其上才由是
道觀明誠夢叶先帝爰立作相陟於台階果能經緯岩

廊鎮安夷夏罄乃一心凝其庶績逮予纂承亟獲匡輔
疇庸任舊宜乎加恩是用擇其匡藩委之碩德尚執中
樞之柄仍加右揆之崇相閣良規豈忘蕭曹之業戎垣
寵寄更隆羊杜之功勉服殊榮佇弘懿烈可檢校右僕
射同中書門下平章事兼江陵尹充荆南節度管内觀
察處置等使

大中十三年十一月

杜審權鎮海軍節度平章事制

朕垂衣嚮明負展成化內則委輔弼之重論道於岩廊

外則寄垣翰之崇分憂於撫馭是以入掌鈞軸出擁麾
幢必仗兼才乃膺迭任況軍稱鎮海地亘長江建置既
殊寵劇斯在駕戎車而佩相印持廟算以統全軍非我
誠臣豈行茂典特進行門下侍郎兼吏部尚書同中書
門下平章事兼修國史上柱國建平縣開國男食邑三
百戶杜審權獨鶴依松孤鷺上漢聳三峰之峭壁澄萬
頃之清瀾早以重名洽於時輩擅讜言於諫署留正範
於南宮史筆弛而更張憲網柰而復正由是如綸不紀

刈楚無遺紹敕弔於謳謠盡例成於法理先皇帝知其
可用召入內庭果能新耳目之見聞備肺腑之待遇朕
初登寶位素抱嘉猷遽行制書首列台席故能彝倫攸叙
庶政惟和舉去無差於激揚流品並分於涇渭出入五
載初終一途每念鴻勳布在青簡近者固辭機務動啟
懇誠雖懷好德之言難抑撝謙之雅是用輟鹽梅於調
鼎賜斧鉞於專征金陵大藩正張新幄式兼啟事載踐
中樞不移注意之榮無替沃心之道勉服休命厥惟懋

哉可檢校吏部尚書同中書門下平章事使持節潤州
諸軍事兼潤州刺史充鎮海軍節度使浙江西道觀察
處置等使

咸通四年五月

劉瞻荆南節度平章事制

門下將相二柄倚注攸難委鈞衡則望庶績昭明授斧
鉞則冀一方寧謐中外迭處列朝舊規是用輟於岩廊
付以藩翰正議大夫中書侍郎兼刑部尚書同中書門
下平章事判集賢院彭城縣開國公食邑一千戶賜紫

金魚袋劉瞻早以文學壘中殊科俄嬰艱阻久滯雲路
朕擢授華級遄躋禁林羽翼未安風霜旋迫洎并汾解
印輦轂還鑣熟聞赤心再陟丹地而應對多敏詔書立
成風稜甚高恭慎無玷承受密旨敷陳大猷洽於具瞻
乃降明命果能竭忠心力申行典章啟宗社之密圖惜
朝廷之故事振拔沉滯東錄忠良思繼美於咎夔顯致
君於堯舜將明啓沃無慚良史之書正直公忠備得賢
人之業而又癖於廉慎不尚榮華安敏之居仍非已有

四方之賂惟畏人知雖自樂於清貧當勉成於富貴乃
眷荆渚實惟輿區紀江漢之洪流振黔吳之要路舟車
所會財賦咸殷況台鼎舊臣拜章辭務爰思重屏當委
全才授任無疑寵章斯備兵符在手相印懸腰吞雲於
宵襟運籌於掌握當年得志報國圖功大夫之榮何以
加此勉膺殊渥勿替令猷可檢校刑部尚書荆南節度
使勲封如故

咸通十一年九月

鄭從謹河南節度平章事制

古者公卿在朝則輔主致理有事則統衆出征是以卻
殺行師爰求說禮祭遵推轂不廢雅歌今者羗寇未寧
烽烟尚警慎擇鎮安之略尤資柱石之功若非文武兼
才將相全業夙蘊峻望為吾鼎臣豈傾丹赤之懷以授
股肱之任開府儀同三司門下侍郎兼兵部尚書同中
書門下平章事充太清宮使弘文館大學士延資庫使
上柱國滎陽郡開國公食邑二千戶鄭從謹秀稟岳靈
操含冰潔趙哀冬日樂廣青天端操而峭壁寧偕曠度

而澄波未測周密得大臣之體誠明弘君子之儒許月
品題人倫自警膺門步武明彥知歸奮飛早踐於修途
育德逾高於輿論仗節三光於侯府題劍累陟於崇班
洎擢處鈞衡若來麟鳳才惟應物動必研幾屹若嵩巒
炳符台曜嵇松磊落長標構厦之姿和璧溫良克表如
虹之氣朕以北門重鎮興王故都披全晉之山河有陶
唐之風俗以爾曾施惠化尚有去思方當用武之時暫
輟調元之氣爾其厚撫戰士謹備糧儲必使黠寇草心

征師賈勇善守訓齊之令以圖台鼎之勲位以上公式
先元輔副我憂厲往惟欽哉可檢校司徒同中書門下
平章事行太原尹充北都留守河東節度管内觀察處
置兼行營招討等使

廣明元
年二月

王鐸義成軍節度兼中書令制

門下朕以煙塵犯闕士庶貽災思九廟以懷慚顧萬邦
而是愧危同馭朽誠甚履冰遂乃虔祝上玄冀平積憤
勞乎宵旰實貫神明其有捨元輔之崇副大朝之切拜章

滙懇面奏請行者得不超茲爵秩盛以統臨今則釐旆
經時駐軍未進宜更戎號以煥寵光諸道行營都統指
揮諸軍兵馬收復京城祖庸等使兼判延資庫戶部事
權知義成軍節度鄭滑潁州觀察處置等使兼開府儀
同三司守司徒兼中書令上柱國晉國公食邑三千戶
王鐸碩德名門清風直道為一時之圭表作百行之源
流騏驥絕塵方知逸勢松篁犯雪更耀寒光洎中第從
軍昇朝擅價掌綸業茂選士功高進必流芳勞惟可則

專銅鹽之任副舟楫之權雅有令名不誣信史爾後再
持釣軸重領藩維智識愈精始終無替旋屬省方之際
犯難而來首冒鋒鏖忠貫天地由是將我大柄答爾明
誠當其艱危之時實有整持之計沉機累獻秘畫頻聞
漸理綱條儼予班序致使簪裾復盛禮樂重興克念爾
勞諒洽人聽而又忿茲國難期以身先懇望統師力求
專伐既佇平於狡穴貴獨耀於將星宸命登壇俾之仗
鉞及乘白馬疊降紫泥嘉將就之勲尚滯進軍之策

而諸軍觀望相顧遷延將謀盪定之期因有改更之制
在吾優賢之道求舊之心俾循和嶠之榮敷其五教更
假卻縠之用惠此一方爾宜振彼宏圖聳於東夏式資
論道共贊中興體我深懷敬承休命可檢校司徒守中
書令使持節滑州諸軍事守滑州刺史充義成軍節度
使滑潁等州觀察處置等使散官勲封如故主者施行

崔胤武安軍節度平章事制

陸扆

門下入居巖朝施明略以匡時出陟齋壇運沉幾而鎮

俗苟非材推命代望重當朝則何以宣我武威易其風
俗朕志先定僉謀允成持危匡聖致理功臣金紫光祿
大夫守禮部尚書兼中書侍郎同中書門下平章事兼
集賢殿大學士判戶部事上柱國清河郡開國侯食邑
一千戶崔胤文星垂耀神岳標奇襲禮樂之清風冠簪
纓之貴胄佩觿之際潛韜經濟之才筮仕以來尋積公
輔之望洎更華胄益振令圖居論思而獻替盡忠提綱
紀而回邪斂跡旋自繁劇俾司燮調苟利於君無所不

至洎寵蒲坂再秉洪鈞明謀時合於著龜雅操不渝於
風雨作礪之業為時而生乃眷重湖實維興壤荐臻多
難屢易元戎哀彼征人昌我皇度間爾嘗隨重幣往曳
長裾迄今授卿臺階尚播詩詠是用拯彼塗炭宣予惠
和假其問喘之仁慰彼來蘇之望仍持相印式寵名臣
暫追羊杜之政能未浼臯夔之事業往踐厥位爾惟欽
哉可檢校禮部尚書同中書門下平章事功臣散官勲
如故充義安軍節度湖南管内觀察處置觀察等使使

持節澶州諸軍事守澶州刺史

乾寧三年七月

王搏威勝軍節度平章事制

楊鉅

門下朕聞有國家者內則立四輔以貞百度外則建羣臣以寧八區持吾重權惟此二事其有弼諧之道已溢于簡編是期訓撫之規更滿於方岳中外迭處古今所榮扶危匡國致理功臣金紫光祿大夫門下侍郎兼戶部尚書同中書門下平章事監修國史判度支諸道轉運鹽鐵等使上柱國瑯琊郡開國公食邑二千戶王搏長淮衍慶

維岳降神抱文行忠信以飾身範珪璧琮璜而為器動
多偉節言必匪躬自踐歷清華汪洋令望左垣蹇諤之
稱凜然古風右掖絲綸之功垂作雅誥嗣後恤刑著効
作賦推能陟于梅霖掌我金穀果罄致君之道無慚出
相之門忠謀必成茂績仍舉朕念於越久罹凶災狂童
既平疲俗未泰是思被我寬政進之皇風厚其澆漓滌
彼汙染再造其任求才惟艱輟于三台先以十乘不改
岩廊之任用資垣翰之光於戲阻於重江負于滄海號

稱殷厚屬為剽輕雖兵革乍銷而閭井猶獎撫循之理
可不慎諸副吾任賢俟爾報政可檢校戶部尚書同中
書門下平章事散官勲如故充威勝軍節度浙江東道
管内觀察處置宣撫等使使持節越州諸軍事守處州

刺史

乾寧三
年八月

獨孤損靜海軍節度平章事制

門下凝庶績而釐百工峻列藩而屏中夏中外迭處朝
廷舊規乃眷交州是為奧壤我輟良輔時謂當仁銀青

光祿大夫戶部尚書兼門下侍郎同中書門下平章事
監修國史判度支上柱國河南郡開國侯食邑一千戶
獨孤損德參瑞玉貞配兼金鬱為君子之儒雅得大臣
之體先皇帝爰徵有舊委以鈞樞變調而四序無差獻
納而萬邦取則昨者大禮雖期於七月豐財未貢於九
州但抱焦勞莫克負荷而爾適當重任頗竭宏才因山
之制俄然執紼之儀必備事君罄節來工收功所宜行
酬賞之恩罷繁難之任登於揆路陟以師壇用示獎酬

勉弘化理服我休命往惟欽哉可檢校尚書右僕射同
中書門下平章事兼安南都護充靜海軍節度使安南
管内觀察處置等使散官勲封並如故

天祐二年三月

唐大詔令集卷五十四

欽定四庫全書

唐大詔令集卷五十五

宋 宋敏求 編

大臣

宰相

罷免上

長孫無忌開府儀同三司制

李靖特進制

魏徵特進制

王方慶麟臺監修國史制

姚元之相王府長史制

張說停中書令制

源乾曜停侍中制

裴耀卿張九齡尚書左右丞相制

陳希烈太子太師制

呂諲太子賓客制

闕

姜公輔太子左庶子制

闕

李勉太子太師制

盧翰太子賓客制

崔造太子右庶子制

盧邁太子賓客制

趙宗儒太子右庶子制

鄭珣瑜吏部尚書高郢刑部尚書制

鄭餘慶太子賓客制

鄭綱太子賓客制

李藩太子詹事制

權德輿禮部尚書制

韋貫之吏部侍郎制

李絳禮部尚書制

罷免上

長孫無忌開府儀同三司制

昔東漢功臣莫任機揆西京戚里或存退讓故能長守

富貴不懼危殆尚書右僕射齊國公無忌神識清舉風
彩凝映賢戚之望朝野所推比軒禁不虞累生慮表倉卒
之間厥功以茂自居樞要聲實彌遠然以椒掖之親處
權衡之地深知止足有戒滿盈收衽之請言辭懇切宜
遂其心以勵貪競可解尚書右僕射仍進散位開府儀

同三司

貞觀二
年正月

李靖特進制

高秩厚禮允屬茂勲貴德宗讓用光彝典尚書右僕射

欽定四庫全書

代國公靖器識恢弘風度宏邈早申期遇夙投忠款宣
力運始効績邊隅南定荆揚北清沙塞皇威遠暢功業
有成及參聞政本職重端副綢繆翌贊勤勞宴績知無
不為歲寒彌厲既懷冲挹以疾固辭表疏懇至情理難
奪煩以吏職有乖養賢宜加優寵申其雅志可特進勲
封如故并賜物一千段尚乘馬兩匹祿賜國官府住及
親事帳內防閣等並依舊給患若少瘳每三兩日至門
下中書平章事患若未除任在第攝養

貞觀八年
十二月

魏徵特進制

留侯名相濟北之志已高疏傳人師東都之迹彌遠後
進仰其遺烈前策以為美談諒可以砥節勵行化俗弘
風者也左光祿大夫侍中鄭國公魏徵器識沉敏軌儀
詳整文史優贍學業該通自參贊機衡綢繆帷幄知無
不為心力備盡格言弗隱正議日聞一德載宣四聰斯
達實賴嘉猷用襄治道而深執謙遜志懷冲遠詞誠懇
切良用憮然杼柚于懷屢移氣序而固陳丹款義在難

違今便申其雅志以成厥美可特進封如故仍知門下
事朝章國典參議得失自徒流以上罪詳事奏聞其祿
賜及國官防閣等並同執事

貞觀十六年冊

王方慶麟臺監修國史制

鸞臺芸閣秘文蓬山奧府是為國重尤切帝艱銀青光
祿大夫行鳳閣侍郎同鸞臺章事上柱國石泉縣開國
子王方慶鐘鼎高門簪纓舊德學富今古才優舒向自
參機密亟改寒暄蹇諤之風不忘於獻替謙挹之美屢

陳於哀疾西垣掌事雖藉謨猷東觀屬詞更資通博宜
掇鳳凰之省俾緝麒麟之署可麟臺監仍監修國史勲
賜如故主者施行

聖歷元年八月

姚元之相王府長史制

忠為令德孝乃天經義著君親道存敬愛其或兼者可
不美歟銀青光祿大夫行鳳閣侍郎兼檢校相王府長
史同鳳閣鸞臺三品姚元之自掖垣趨廊廟謀猷竭忠
盡誠謹言正議始終無替弘益以多近以母氏哀老情

兼喜懼在休沐之期闕晨昏之禮乞解所職以就閑養
外奏內請志剴詞勤宜遂懇請用敦孝道睠彼藩邸高
選經佐俾從梁苑之遊以致潘園之樂可行相王府長
史一事已上並同三品

長安四年六月

張說停中書令制

門下特進行尚書右丞兼中書令燕國公張說往屬艱
難輸誠於履險及茲輔相潤色於告成而不肅細微之
人頗乖周慎之旨朕畧小任大念舊錄功且法不欲屈

宜罷中樞之務義亦有在更全端右之榮宜停中書令
仍修國史於宅修撰主者施行

源乾曜停侍中制

尚書右丞相兼侍中源乾曜十載持衡一心自牧台鼎
斯重管綜維繁雖勤力在公而暮年微疾俾司端揆罷
劇中樞宜停侍中其尚書右丞相如故

開元十七
年六月

裴耀卿張九齡尚書左右丞相制

門下燮和陰陽儀刑端揆自非人傑孰副僉諧金紫光

祿大夫侍中弘文館學士上柱國稷山縣開國男裴耀
卿才實國楨望為人範懷匪躬之節竭奉上之心金紫
光祿大夫中書令集賢院學士修國史上柱國始興縣
開國子張九齡器識宏遠文詞博達負經濟之量有謀
猷之能自翼贊台階彝倫有敘直道之心彌固蹇諤之
操逾堅並可以儀型百寮緝熙庶績宜廻掖垣之任俾
列宮師之表耀卿可守尚書右丞相九齡可尚書左丞
相散官勲封如故主者施行

開元十四
年十一月

陳希烈太子太師制

門下輔道元良發明純德朝寄之重莫此為先特進行
左相兼武部尚書集賢殿弘文館學士崇玄館大學士

太清諫曹

以下京闕

李勉太子太師制

陸贄

勅立國之本所繫於元良弘教之方必由於端士非識
精前典德重當時恭敬溫文其將安倣吾是以輟台階
之老選宗望之賢輔翼春闈是資教諭光祿大夫檢校
司徒平章事汧國公李勉忠信孝友直方簡儉達君臣
父子之際知禮樂教化之端虛襟保和清明簡欲求舊
則德茂序親則屬尊師範國儲無易其選可依前檢校
司徒兼太子太師

貞元二年正月十一日

盧翰太子賓客制

陸贄

勅求賢審官以康庶績就閑優秩以處舊臣蓋欲敦始
終之道金匱退之禮金紫光祿大夫門下侍郎同中書門
下平章事范陽郡公盧翰頃因多難從我于征以其年
乃老成任推先進方將求舊擢處公衡荏苒迄今再淹
星歲勤勞既著哀疾有加宜徙職於春闈用優賢於暮
齒可太子賓客散官勲封如故

貞元二年正月

崔造太子右庶子制

陸贄

勅宰相之職允釐百工時惟仰成不可廢闕中散大夫

行給事中同平章事上柱國平安縣開國男賜紫金魚袋崔
造頃在掖垣參掌樞務摠領煩重精勤彌深亦既優賢
賜之長告歲聿云暮有加無瘳披誠自陳辭疏三上知
止之道守之甚堅處於休閑遂其願養可太子右庶子

散官封如故

貞元二年十二月

盧邁太子賓客制

任重謨猷道存忠諒辭疾之情既懇優賢之義斯崇中
書侍郎平章事盧邁朝序公才操履端敏弼諧庶政夙

夜惟寅恭恪之心每思獻納而文體未適因請優閑累表陳情懇誠彌切將遂其志予衷耿然爰舉朝章式加

命秩可太子賓客

貞元十三年九月

趙宗儒太子右庶子制

任人之道必先無私求賢之宜所期適用給事中平章事趙宗儒早以文學累更職任自居樞近頗歷歲時雖夙夜勤勞而政理猶鬱式移秩序以叶朝經可太子右庶

子

貞元十四年七月

鄭珣瑜吏部尚書高郢刑部尚書制

聚天眷命獲主兆人思致雍熙用康區夏布和緝化屬
在輔臣所任適宜實謂通典銀青光祿大夫守吏部尚
書平章事上柱國鄭珣瑜銀青光祿大夫守刑部尚書
平章事上柱國高郢等咸以忠清累更朝列秉藝廉慎
操履貞恒自參輔中樞皆能勵節祇勤庶務夙夜惟寅
歲月滋深纓纏疾恙袞職有闕無以彌縫况錯綜為選
士之本刑法乃生人之命俾從專掌以盡至公宜輟台

司副予所委珣瑜可吏部尚書郢可刑部尚書

永貞元年二月

鄭餘慶太子賓客制

御大器者本於至公服大寮者歸於衆望故上無虛授
下允具瞻苟異於斯則瞻邦理朝請大夫守尚書左丞
同中書門下平章事輕車都尉賜紫金魚袋鄭餘慶常
以懿文累更近侍亦以謹議出佐遐藩恭承宣室之召
再處廟堂之任丞相所請朕無不從勞予虛襟亦既周
月寂寥厥位不聞直聲昔魏相持綱樞機周密左雄匡

政朝廷肅然摠錄之司輕重攸繫苟云不稱亦在量能
俾從調護之班猶示優崇之寵可守太子賓客散官勲

如故

元和元年十二月

鄭綱太子賓客制

門下王者重輔弼之任明進退之宜見可即升知否則
捨茲朕所以推誠不惑與物無私者也銀青光祿大夫
守門下侍郎同中書門下平章事兼弘文館大學士上
柱國賜陽武縣開國侯鄭綱早以令聞入參禁署永推

勤績出授台司期爾有終匡予不逮歲月滋久謀猷寢
微罔清淨以慎身每因循而保位既乖素履且鬱皇猷
宜副羣情罷樞務朕以其久居內職累事先朝恩厚君
臣貴令終始俾就優閑之秩用申寬大之恩可太子賓
客散官勲封如故主者施行

元和四年二月

李藩太子詹事制

爰立輔臣以熙庶績聿膺其任亦屬難能至於明用舍之
宜全始終之道茲惟大體寧忘予懷中散大夫守門下

侍郎同中書門下平章事兼弘文館大學士上柱國賜
紫金魚袋李藩早以學行聞於縉紳洎升朝端克慎素
履頃者拔於非次列在鈞衡是宜有道以佐時匪躬而
納誨用副明獎越於常倫而授任以來再踰年序夙夜
之勤雖著弼諧之效未孚將何以允至公之求成天下
之務宜輟黃樞之重尚居卿尹之榮爾其勉之式欽優
禮可守太子詹事散官勲賜如故

元和六年二月

權德輿禮部尚書制

文昌六官宗伯掌禮選授之重自昔攸難非夫台衮之
臣分全於終始縉紳之議素洽於羣倫則無以允是優
崇膺茲名秩正議大夫守禮部尚書同中書門下平章
事上柱國扶風郡開國公權德輿與學雄詞冲襟曠度
稟中和之氣弘信厚之規夙彰厥猷厯踐清貫乃者迴
翔省閣祇服大僚咸推鎮俗之風遂致濟川之望朕永
惟理本宵旰在懷常期獻納之功深屬輔弼之任爰徵
僉論俾列鼎司勤勞亟涉於歲時謙挹每形于造次是

用委春卿之職輟樞務之殷任事程能庶光會府帥屬
而理汝往欽哉可禮部尚書

元和八年正月

韋貫之吏部侍郎制

朕恭已臨人勵精思理二三執政猶吾股肱念終始之
罔虧於進退而尤重苟或將命失中輔導不專依違於
懷尚慎斯舉君臣之義豈不弘乎中大夫守中書侍郎
同中書門下平章事上騎都尉賜紫金魚袋韋貫之早
著淑聲夙經顯貫潤以文藻懿其風猷爰膺選衆之舉

式竚弼予之美而自當鈞軸屢變星霜虛襟以聽未聞
至論非啟沃之道有所不行何燮諧之功蔑爾無效欲
抑浮華之路在捐朋黨之私人亦具瞻事將爰副用解
樞機之務俾居衡鏡之職克允斯任宜和厥心可守尚
書吏部侍郎散官勲賜如故

李絳禮部尚書制

門下輔相之任所貴於納忠進退之宜實重於由禮其
有以勞奉國以疾固辭予懷謙讓之風是舉優崇之典

朝議大夫守中書侍郎同中書門下平章事上柱國高
邑縣開國男食邑三百戶賜紫金魚袋李絳端莊秉彝
亮直循道抱凌寒之勁節標肅物之貞規嘗以懿文參
於內署亦以公望貳於地卿竭其智能茂著官業洎擢
居衮職左右朕躬遠慮必陳謹言無隱懷致君之志弘
濟俗之方確然貞操爵有休問而步履嬰疾趨侍為難
披誠上聞稽首求免乃眷毗倚久之未從星霜屢遷忠
懇彌激宗伯秩禮時惟大寮宜從喉舌之班用輟鹽梅

之寄庶因清簡俾遂願真膺茲寵章敬服爾命可守禮
部尚書散官勲賜如故

元和九年二月

唐大詔令集卷五十五